

地理志五

光緒順天府志二十三

祠祀上

侯官陳翥纂江陰繆荃孫覆輯

記有之天子祭天地諸侯祭社稷大夫祭五祀今州縣地與古侯國等山川社稷古諸侯之所有事者州縣吏皆得行之我

聖清承

天命主百神祭罔不祇肅畿疆之吏親見

聖天子明察之至意及奉境內祀咸自誠其爲民祈福之心故得無水旱之災厲疫之害其有不列於命祀而爲民俗所趨者則山農野老日犇走蛾伏於牲肥酒香之旁栗栗然時若有臨質之者莫不遷善而去惡孔子曰鬼神之德其至矣乎嗚乎信哉不載大宛者以其詳於京師也志州縣祠祀

良鄉縣

社稷壇在北門外西北

良鄉陳志

先農壇在西門內

陳志

風雲雷雨山川壇在南門外東南臺上

新志

厲壇在北門外正北

陳志

關帝廟一在城內東南隅 一在東門內 一在羅府街西 一

在城外東南隅 一在長陽 一在籬笆房 一在黃新莊 一

在五里店 一在丁村 一在錢管營 一在望諸村 一在南

梨園 一在十三里 一在舊店 一在燕谷店 一在平各莊

一在興隆莊 一在南拜村 一在陽合莊 一在南召村 一

在關莊 一在祖村

陳志

城隍廟舊在縣治西南隅明景泰二年新築城垣廟遂在城外主

簿鄭智請於知縣賈禰改建城內西北隅時景泰六年

陳志景泰七年

修城隍廟碑記 順天府所隸縣曰良鄉去京師西南七十里爲

萬方朝會陸道輻輳之衝煩且劇視他縣倍蓰縣西南隅舊有城

隍廟在焉景泰二年因始築城而廟乃隔於城之外縣大夫及民

庶有事廟下者咸謂不便且地勢庠隘棟宇傾頽所以安奉神靈

者亦弗稱焉諸官僚酌應紛紜無虛日雖欲修葺移徙莫或遑也

潯陽鄭公智來爲主簿焦神勞力以佐庶務方欲銳然經理深慮

勞民費財乃謀於知縣賈禴縣丞馬驥李謙典史陳永通曰竊聞

政之體在治民事神而已吾儕神所當事者莫要於城隍也凡祀

社稷山川雷雨皆以城隍爲配水旱疾疫禱禳皆以城隍爲先而

其廟置於城之外無乃不可乎賈公然之馬李諸公佐之爰擇地

於城內之乾隅袤廣計之總若干尋尺先捐已俸爲之倡好善樂

施者翕然傾助遂市材取礪召匠僦傭建正殿寢裏兩廡之外爲

重門以顯巍翼凡二十有六神之像設雕塑藻繪煥然聿新他若

周垣修術器物之需罔不畢備興役於景泰六年二月二十五日

而以七年九月望日收工始終効勞蓋主簿功居多而厥配王氏

亦脫其簪珥於廟左右建九天衛房聖母及好妨神堂各一縣之

耆老吏民僉謂廟之凋敝已甚而鼎新實肇於今匪礪石登載何

以垂示來者乃請余爲之記余惟自昔建郡邑者必依險以爲固

地之險山川邱陵是也故或因山與邱陵以爲城若平地則壘土

築城以擬乎山之險焉或因川以爲隍若燥地則掘土浚隍以擬

乎川之險焉考之禮經無祀城隍之文然古者山川澤邱陵墳

衍防庸莫不載諸祀典况乎高城深隍以捍寇敵以衛人民其功

甚大而可弗祀之哉今郡縣各有城隍廟是卽所謂禮雖先王未

之有而有以義起之者也廟在良鄉者適當仍歲水旱之餘帑藏

空虛之日而能大其規制殺不勞民則鄭公有爲之才過乎人也
槩可見矣庸次第書之傳刻石昭示勸施錢與助者之名氏具列
於石陰
茲不贅

龍王廟在城隍廟內

陳志

藥王廟一在石村疾病者祈禱有應每年四月報賽社會極盛遠
近畢來進香 一在城隍廟內 一在東門外 一在塔灣村

陳志

八蜡祠在城隍廟內並祀劉猛將軍

陳志

真武廟一在北門內東 一在十三里

東嶽廟一在舊店北 一在福興村

陳志

火神廟在東關北

陳志

馬神廟在固節驛內

陳志

玉皇廟一在東關 一在交道村 一在陽合莊 一在南章客

一在丁村

陳志

土地祠一在縣署大門外迤東 一在城內東北隅

陳志

固安縣

按縣采訪冊社稷壇風雲雷雨壇厲壇均廢

關帝廟一在縣治西街金明昌間建元延祐三年重修

固安鄭志李全關

侯廟碑記

固安附城之西南隅舊有義勇武安王廟創於金明

昌間歷歲滋久棟宇損壞邑人王君柔從子秉忠曰茲廟不葺且

作時延祐三年十有二月也明年春即興工衆以君與從子富而

好義翕然樂助不日告成越二年予分教是州王君過予徵文爲

識予曰惟王昔佐蜀昭烈雄南北伐之威誓將踣曹仆孫復振炎

劉之祚而天時人事之不齊用弗克究故身雖沒而有不亡者存

其英風烈氣罔問邇遐赫赫顯應福利民生如響豈非得孟氏浩

然之氣者生爲名臣沒爲名神者與至君王勲業姓氏備載史傳

者予獨畧焉遂書其說而係之辭曰歌舞會兮執鼓淵淵士女集

兮車馬闐闐穀馨香兮既豐腆酒多旨兮如流泉神之來兮捷影

響隨不見兮風冷然橫四海九州洋洋如在兮神之德降福兮穰

穰輔正直兮安爾室炎遠舉兮不可留雲收雨止兮寂寂返泰初

物兮無極 明宏治五年重修 鄭志 錢福關王廟碑記義勇武

塞宇宙聲烈昭簡冊端人正士義其忠武夫勁卒壯其勇田畯村

姬懾其神弔士感遇之徒又悼惜其功之垂成而敗思有以報其

仇以洩其不平若是者千二百年於茲矣而其心術之微學問之

素非偶遭暫免之可剝卽以得其與漢終始勲業之大者也當漢

之季四海潰散有力者競起以王之方提一旅之衆以自爲呂布之所爲不然則遨遊袁曹間亦焉往不得其志而乃遙擇昭烈以從事於涿可謂有見矣昭烈雖帝室之胄當其微時君臣之分未定也而王周旋難險侍立終日及敗於操非降則死而王宛轉曲從斬一敵以塞望而其身以歸故主操不得而留焉是豈强悍直從者所能辨哉史稱其好讀左氏春秋傳其得於學亦自有不可誣者且方荆益未定隆中未起昭烈間關羈旅中人莫侮而獲信大義於天下者徒以王爲之虎臣耳使王不死及章武之際擬高祖入關之功豈在蕭曹下哉及王既死而荊州搆譽漢竟以亡嗚呼王之係於漢非小小也是時操之賊有白之者而權之爲賊未白也白王首辱罵其使不與爲婚使人知權之當擯及權賊王附操而後其爲漢賊者始不得逃乎天下萬世之公議然操尚知留王以傾權而權不能存王以支操非爲智不若操而得罪於漢室亦大矣故權之爲賊自王白之也操能使蔣幹說周瑜而不敢使張遼說王及以情告及去且弗敢追要亦知王之剛明非其所能擾也其去苟文若輩遠甚矣後世乃以聖人之徒目文若而不滿於王豈理也哉剛明正大之氣人人同得以爲人者雖或屈抑於一時而終當感發於萬世感發悼痛積之久而不可自己然後吾心之神若有見焉而神亦若有所答焉此廟之所以由說也非謂王之氣不散而別有所謂神者行於天也固安之廟創於金明昌迄今凡三修今之修者則邑人醫學訓科張君拱致仕官張君英于君諒省祭官龐君雄耆老劉瑾牛微綱紀其事請子碑者則邑大夫給事中王君欽監察御史李君鸞吏部主事劉君永也固安與涿並列爲赤縣其爲廟固宜而王之死節臨沮爲楚地故於

碑之未復爲些辭以遺邑人俾歌以祀云其辭曰虬鬚龍翔鳳沼
莫些上帝旣命我版圖些王兮歸來勿吞屠些刮創含笑力拔許
些上帝旣命我疆圉些王兮歸來勿超距些王兮歸來勿之荆些
赤壁煙銷江水平些王兮歸來勿之益些陳石灤灤駢以積些豈
不遐思西出太行些誓殉國仇奚有故鄉些豈不遐思東入洛陽
些虬蛇窟室蛟龍遁藏些桑陰芑鄰童如車些羽葆亭亭芟駐
乘與些王兮歸來帝情所于些湯沐有邑霈我郊墟些籩有核兮
盤有魚些疇薦黍兮園摘蔬些魂回夢醒兮釋樊豬些鞭風霆兮
卜太虛些遨遊八表兮返厥初些福簡簡兮民歡嘍嘉靖四十二
些壽皇圖兮護儲胥些王其不來其民戚曷紓些

年重修舊志云正殿上懸義勇武安王廟六字元延祐五年翰林

編修牛師厚書勢之飛動如龍翔鳳翥真可寶也後萬厯年間知

縣孫識錦重修 一在南關 一在北關 一在南房村明崇禎

三年李鳳崗重建十一年固安陷神見顯靈於軍前南房村人未

遭殺戮

一在大辛莊

鄭志

文昌廟一在學宮前上有奎星樓 一在牛蝸鎮街東故址爲村

人楊軼倫地不知何年建乾隆二十九年重修後圯軼倫子居恆

捐貲重修金碧輝煌視往時尤壯麗矣

固安陳志

城隍廟一在縣治後街明成化間知縣朱善修

陳志陳口重修

太祖高皇帝肇造寰區詔中外凡淫祠悉毀其嶽瀆城隍山川社稷之屬稽典禮所宜者令有司飭其壇壝而歲祀加嚴焉固安縣隸順天府爲京畿大邑舊有城隍廟在縣治北歲久將傾制目卑隘成化丙申邑宰滁陽朱侯善之來下車謁神愀不自甯顧政未洽於民未敢遽興以役越明年丁酉大旱禱神而雨又明年戊戌雨次河禱神而水患息既沐神庥益欲經營顧歲未豐登猶不欲事土木會水泛大木浮而至者數十章民又掘地得瘞錢以白於官侯顧僚佐曰治民事神政之大要今此之物上不耗帑藏而下不糜民力答神貺以慰輿情此其時矣乃諏日度地鳩工伐木俟又率諸僚各捐俸以贊襄之適蠱傷稼侯心憫焉禱神一夕莫知所之尋禱雪復應民益欣忭趨事茲役經始於己亥春三月一日越三月二十一日落成臺砌增崇殿宇增廓門廡森嚴垣墉堅緻勳聖丹漆渙然維新廟之舊有八蜡祠亦重葺之其左爲道院使羽流宅之以事洒掃侯既刑牲告成父老咸曰是功不可泯宜有紀以昭示後人乃走稟師求予交於石予爲述其事於右而系以銘曰噫嘻皇明統有萬方剖符分土重閉固防因邱爲城塹地爲隍皆有神靈默護其疆矧茲固安輦轂之旁神祠弗飭曷稱瞻望朱侯初宰顧力未遑化成政治茲誦琅琅迺新輪奐延翼宮牆崇時享祀於薦牛羊神佑下民時雨時暘靈爽如在嘉靖丁巳邑紳遐邇播揚勒碑昭遠曷云有忘成化庚子夏四月

楊維傑重修永應奎巽碑記

錄

萬厯壬子知縣孫廷長重修

陳志

光復重修城隍廟記明定鼎燕京詔天下部縣有司各飭壇宇崇祀城隍蓋謂境內山川社稷風雲雷雨蠟厲之神皆憑依之凡年歲之豐歉間閭之災祥地方之水旱盜賊於此式靈故載在祀典春秋報賽不缺非可與淫祠同日語也余邑城西北隅舊建城隍廟坐縣治公廨之後楊太史宅第之傍先自成化丙申邑侯朱公重修嗣嘉靖丁巳楊太史重修暨今萬厯壬子又若干年厯風雨摧折瀕水浸囓以致殿廡圯壞其兩司神像多傾倒泥濘中一應廊房牆垣盡荒墟矣適邑侯禹城孫公諱延長者下車瞻謁愀然曰事神治民吾有司職也今廟宇若此神將焉依神之無依民將焉治謀諸父老遂先捐俸銀倉穀若干爲士民倡邑士大夫及長安二三中貴皆樂捐助得數百餘金侯于是鳩工庀材命五街鄉保楊師儒等分董其役凡瓦剏傾漏者補葺之基傾棟撓者徹新之神像殘缺未備者一搏塑繪畫之由大門寢殿以至東西配殿司房土地火神八蜡祠及鐘鼓樓馬殿井兩廊道房共若干間以次裝修未會動民間一夫一力不數月而煥然鼎新神獲甯宇道士得托廬而焚修焉是役興於癸丑之四月竣於本年之八月也會是年六月間馮夷作祟外會諸山水建瓴直射城堤洪濤萬頃水與堤平俯視城中高不啻丈餘一線之堤將潰者數處侯督率邑父老濡首胼足躬爲負薪左右日勢亟矣盍避諸侯曰民方昏墊莫必其命余何以身爲乃具牲醴仗劍祝曰余與神共保此方若不立捍此患令水一入城數萬生靈將爲井中蛙釜底魚矣當如此劍是夜河伯有靈於霍雨颶風驚濤哮吼之中水竟減數

尺用是線堤得以泥如堡固而城無覆隍之虞一邑生靈始免魚
鰲噫此皆侯拯球之力而實城隍呵護之也說者皆謂侯修廟之
應雖然侯之所以昭格者又豈在崇祀遺文已耶夫一邑之事侯
理陽神理陰其精神無一息不相感民有善惡神禍福之而侯
懲之民有沴厲神調變之而侯醫藥之民有水旱神節宣之而侯
捍禦之對越冥冥之中蓋有素矣故今日四境晏然無水旱盜賊
之虞天札瘟疫之災神實代侯而効其靈又豈徒以修廟為因應
也余適計竣居家觀是役之成與水患之弭次第以記其事而謬
為之頌曰赫赫城隍保障一方庇國佑民繫於苞桑乃摧風雨壇
壝其圯榱折棟繞神靡依矣侯鳩匠石丹堊飭費畚鍤勸數月
告成會邁馮夷城堤將潰侯率負薪洪濤倏退金湯增固壁壘
崇民免魚鰲惟侯之功侯謝不有歸之城隍肆陳牲醴昭假洋
神無常享惟德是親日視日聽日惟自民窈今冥兮何心昭報
今禍兮惟人自造起念作善景星慶雲轉念作惡厲鬼妖氛顧
下民蠢蠢無知天網恢恢尙其鑒之暗康熙間知縣鄭善述增建
室勿虧惺惺夢覺念茲在茲永瞻廟貌康熙間知縣鄭善述增建
鐘鼓樓陳志鄭善述重建城隍廟鐘鼓樓記邑何以有城隍曰
始獨于唐文粹書內見李陽冰撰縉雲城隍祠記文頗典重可
相沿崇祀已多年所迨明遂大釐祀典自都城暨郡邑各立廟著
為令羣厲有司旱乾水溢有禱歲時有祀朔望有贈拜悉所在
吏司之而城隍何以有鐘鼓樓曰此規制盛自北方每於大門內
左右翼然高聳夙時廟菴觀皆然况城隍為封內崇置尤無可闕
以其教原自釋道響塔齊聲萬感俱觸可以通幽冥驅邪障難儒

者所不道然當清晨昏夜鏗然者能發人深省嗟然者能壯人銳
思義不綦重哉子宰固安已歷六載一切神宮梵宇不肯黷祀下
車伊始最目擊而神傷者文廟門前乘車馳馬竟成孔道幸卽改
闢魂夢稍甯次則城隍之鐘鼓樓傾圯未建且舊鐘猶存銅制古
雅棄擲土壤久必蝕壞時爲愀然計土木工需費務二百貫始可
襄事自恨澁囊難舉又慮邑貧鮮助延捱日月值今將離不圖厥
成亦抱憾事因勉捐三十金倡首并讞理中遇小犯有力者令量
任工料貸其笞杖再募及紳士寥寥實難猶賴寄籍賢遷輩多所
資焉合興工至竣事費金僅百六十餘逾月告成不可謂非神力
嘿相矣相傳此神氣優時形禱祝隨應茲卽其明徵歟環封百里
從此共在聽聞將幢擾妄念應之去俱消懈怠昏一在牛塢陳
氣聞之立奮其亦何殊城隍之宣教號令也夫

東惠濟廟在東關外

陳志

河乃我

朝

魯成龍

嘉錫之名

卽古稱

桑乾河

本無定

其河源由山西太原之天池伏見經流袤長幾及千里穿西山地
界而達石景山過盧溝橋水勢奔突遷徙靡常國初以來任其
散渙不事修防迨乎于成龍建議創築堤堰疏濬並施繼經怡賢
親王同大學士朱軾興修水利渾流容衍屬之於淀蕩漾澄澈歸
津入海自石景山以至三角淀綿亘二百餘里金隄屹立安流循
軌保衛田廬比來物阜民殷興歌樂利且歲需帑金數萬工料所
資咸取給焉每逢麥秋諸汛固資之修防尤賴神明之顯佑
是以附郭治隄敬建河神各廟召募僧道司其香火甚盛典也顧
每年補葺祠宇泊住持衣食需費疊疊查石景山南北岸各廟雖
舊有香火地一頃不等租息入不敷出夫以神靈赫奕有感恩通

凡職任河防者悉心經理仰酬神貺余巡視河道數載以來浪淨
波恬普慶安瀾之福每於朔望展謁以及輪蹄閱歷之處思欲卽
其已成之局更肇不朽之業歲在丙子查出河灘地一百六十餘
頃具牘詳請每廟添設地一頃至三四頃嗣今以往歲入充拓僧
道得其補葺有項俾廟貌祀典攸賴答神庥而垂久遠意在斯乎
誠恐閱視既久復被豪強兼併僧道侵漁用是勒諸貞珉庶後之
覽者得
以考焉

西惠濟廟在西關外俱雍正十一年增修

陳志 定柱西惠濟廟

原之天池伏流至朔州馬邑會雁門雲中諸水經宣化府之懷來
夾山西下曲折盤旋而至京西宛平縣境土疏衝激數徙善潰頗
壞田廬爲居民患康熙三十七年 聖祖仁皇帝軫念濱河
百姓圖維捍禦之策特命直隸巡撫于成龍築堤濬河以
奠民業由宛平之蘆溝橋朱家莊匯安瀾城注西沽以達於海顧
以新河放水之後溜急沟湧兩岸隄防多致坍塌安瀾城河口淤
勢是以康熙三十八年 聖祖仁皇帝親幸永定河相度地
勢高下情形特受方畧於三十九年自永清縣郭家務以
下地方另開新河一道改河口於霸州之柳岔口而河患平矣迺
後河身漸致淤高出水又復壅滯我 皇上御極念切蒼黎
興修水利雍正三年怡賢親王大學士朱軾欽遵 諭旨歷
勘河形悉心區畫自柳岔口引河流稍北連至王慶坨之東北入
淀使河水有所歸宿雍正九年定桂恭膺 簡命職任監司
下車三載水流順軌歲慶安瀾濱河禾稼悉獲豐登此由

聖主德盛故河伯默佑俾成厥功也固邑城外向建有東西河神廟兩座柱因而敬葺之神像莊嚴殿宇崇煥矣但明神供奉不可不爲遠計查東廟有地五十畝西廟有地連廟基共五十畝祇敷僧道饗殮之費而歲需香火缺焉欽惟我皇上於永定河上游石景山新建北惠濟廟撥香火地聖心誠敬至密至詳也柱暨各屬均沐皇恩神靈護佑於固安東西兩廟悉願捐資置段德名下入官地並贖回舊地共三十頃坐落永清縣第六里柳坨大惠家莊等村與固安縣之小西湖張家場李家營等村存取租息繳息存庫爲每歲香燈祭祀之需稍展報享微忱垂之永久所有捐資各員并姓名揭諸碑陰康熙三十七年霸州固安各處屢被水災河伯效靈鴻功告竣

賜名曰永定雍正七年

特命建廟河干廟名惠濟乾隆十六年復加封爲安流惠濟之神在蘆溝橋者爲南惠濟廟在石景山者爲北惠濟廟於是固城東西皆建廟宇朔望展謁如儀凡以仰承

聖朝懷柔之盛典云

陳志

火神廟在城隍廟東

陳志

八蜡神廟在城隍廟西

陳志

馬神廟一在城隍廟側

一在東關新街

陳志

獄神祠在獄內

陳志

土地祠在儀門左

陳志

三官廟一在北新街小營龐家務二十五里 一在牛塢 一在

曲溝

陳志

藥王廟一在北關 一在東紅寺 一在知子營

陳志 傅好禮

王廟碑記 上古自義皇出世繼天憂民生疾病天札無能終其
天年因味草木辨寒溫立醫家作方書以救盪於天行攻於情竇
而瘍於非命者當時其臣岐伯衍內經以窮息脉其臣俞跗察五
藏以療非常此醫家之皇祖而醫之稱聖稱神稱王者舉皆宗之
傳及後世代有名家秦漢之扁鵲倉公魏晉之華陀許旌隋唐之
孫思邈韋慈藏之數公者洞悉陰陽氣運之源精徹脉腠浮沈之
理或察形望色而知死壽之由或起死回生而得靈樞之旨醫道
俱精絕矣其在慈藏施藥靡不奇應玄宗重其行拜之官不受世

仰爲藥王云嗚呼此藥王之廟所由始與人亦有言達則良相不達則良醫醫術與相道之相去何啻霄壤合而言之蓋以司生人之命脉贊天地之好生醫之與相其仁術均然則醫術果小道耶禮有功德及民者載之祀典無論義皇岐俞爲開物成務之聖神萬古生民舉蒙其賜自倉扁諸公而下醫業精於當時方書傳於後世謂非有及人之功德與宜乎祠遍城中而祀者非濫觴也知子營故建有藥王廟未幾爲濁流淤壅蕩然無遺越三十餘年鄉人王棟等卽故址聚衆累土結社鳩材構殿三楹上有諸公之像傍刻侍從數人其位次面貌不能悉辨要皆有生人之功於當時者工始於萬厯十六年訖於二十年視前之廟制恢闊簷宇華美儼然一方崇事之心嗟夫今之崇事乎神非以其默相於冥冥而能使病者愈愈者長天年耶大約人之病有兩端風寒暑濕時行疫作天之所以病人也耽糲藥逞忿狠迷聲色好貨財諸如此類以致耗精敗血損氣墮神人之所以自病也世之自病當什九而爲天所病僅什一什一者不可必什九者所當慎此之謂善事神者也不然萬事咸其心百務勞其形本真旣喪病入膏肓義皇再世倉扁復生將望氣而驚走矣神其奈之何因識歲月並考神之姓氏世代更示醫業之當重而尤於慎疾者三屬意是爲記

一在禮讓店 一在化家營 一在曹家營

陳志

東嶽廟一在縣東一里許

陳志 陳垣重修東嶽行宮碑記距邑

微厥宮深闕神像尊嚴侍衛壯古儼如生者丹雘金碧之飾久經歲月燦然猶新凡在瞻仰罔不恂慄第始造之由邑志弗載舊勒

茂存所可考者惟以瞻城之西南隅有義勇武安王廟碑紀雖未
詳亦因以知所自創時爲延祐之初載人爲市者之王柔也然多
歷年所不無損壞正統三年春三月大尹河南劉公敬來牧是邑
下車謁廟見宮之簷傾脊圯柱礎摧危苔蘚荒穢蛇鼯所舍客嗟
不已且惜其古像殊絕他祠瞻顧移時謂諸僚案曰廟貌非常實
爲固邑一方之勝覽不葺必仆心安忍哉遂捐已俸僦人工市材
木刻期繕修罅漏者補之傾危者固之腐敗者更之剝落者飾之
由是災者疾者訟者耕者商者悉禱于茲各以類應故民每於春
暮神誕之辰共潔牲醴無小大無遠近率爲常祀嗣天順七年春
縣丞河東賈公貴復增以三十二司內設神主外護闌楯建大門
三間伉然高爽祀事益盛迨成化丁未夏四月坊市耆宿曹福龐
紀暨醫官張均拱老人劉瑾等六十餘人集宮下議曰大殿堅緻
仍舊貫可矣西廊凌剝欹倒風雨不堪我等盍一新之言已各出
已貲以倡卽令工役破舊宇而拓新基一時感動四方老稚子女
不憚道路爭先以負土焉是時人積如蟻土積如山羣推通關廂
牛微以董治之微固辭越數日微寤寐間偶見神責不任事以掌
撻其面昏如沉醉終日方甦微惶恐汲汲謝絕家務對神立盟自
是夙夜匪懈躬親勞苦遐邇好善之傳各隨豐約出貨泉來助微
乃與同事者之蘆溝求大材覓工師凡餽璧丹碧之類必擇其良
者用之先飾神宮以動人之敬仰次於宮之左右建廊廡各二十
八楹以列諸司宮之南建十王龍虎江東太尉殿各三楹宮之東
建天妃宮三楹翼以繪廊像神之出入前建大門門內建鐘鼓樓
一座飛仙異獸龕出雲端門外建獻享亭一所玲瓏華麗極于纖
巧四圍砌垣垣內西南構瓦舍數間爲灑掃者居餘地盡植桃李

棗杏用充時薦規模制度煥然一新可謂輪乎奐乎弘治王子冬
聽選官龐雄邑人王璠過子舍以落成事告曰建宮浩費雖出衆
人之資實由微數年不倦之力也敢請文以刻石俾後之人一舉
目而知斯役之所由成子謝以姓名卑末不足垂遠奈請益堅辭
不獲已竊謂人之所爲也有善焉有惡焉神之所鑒也有福焉有
禍焉善者降之百祥惡者降之百殃古今自然之理也或反是焉
則非人之所能知矣微發一念之誠受衆人之託卽此善念亦難
泯矣於禍福之來是在神之降鑒而已豈能微媚於其間歟謹記

國朝光緒五年重修奏請

御賜扁額

采訪冊

一在牛塢

陳志

北嶽廟一在北關

一在馬莊

一在知子營

陳志 傅好禮重

碑記縣之直東約十五里許鎮名知子營北百武舊有土阜在焉
高可二丈方廣倍之嘉靖中年余曾叔祖名惠者屬鄉耆善友結
社鳩材建元帝廟於其上廟制三楹中坐帝像侍帥端列兩傍儼
然拱立若奉號令而從事者凡入而瞻仰罔不懍懍生懼心真若
鑒吾人之素履善惡而彰瘡之也且雨暘愆期隨禱輒應以故一
方之人崇事彌謹比今歷三紀有奇廟基被濁流吞占過半殿宇
榱桷金碧彩繪又多風雨剝蝕一是劉公昌稍加補葺規制未拓
延數年後鎮之善人如盧鉅劉儀傳如義者復謀修之工資之費
合一方之人家輸戶效期年告成毀者完隘者復謀修之工資之費
煥然衆謂余當記其歲月非徒俾後人識姓名將以示永存之義